

Pôlitika Fitantanana ny Toeram-Panatobiana Ambin'Akora

Teny nomen'Ambatovy ny hitantanana ny toeram-panatobiana ambin'akora ("TMF") amin'ny alalan'ny fitandroana ny fahasalamana sy ny aroloza ho an'ny mpiasa, ny olona eo anivon'ny fiarahamonina, ary miaro ny tontolo iainana voajanahary. Manaraka ny fenitra izay mifanojo sy mifanaraka amin'ny fomba amam-panao eto an-toerana sy manerantany Ambatovy, ho an'ny sehatry ny fahasalamana, aroloza, ary fikajiana ny tontolo iainana, mandritra ireo dingana rehetra eo amin'ny fivoaran'ny toeram-panatobiana ambin'akora. Ny fenitra anatin'ny napetrakay dia manome antoka hanatrarana sy ny hihoarana amin' ireto tanjona manaraka ireto

- Ny fifehezana ny aroloza sy ny fiantraikan'ny TMF amin'ny tontolo iainana dia mifanaraka na mihoatra noho ny fetra iombonana eto an-toerana sy manerantany, hatrany hatrany.
- Mitohy hatrany ny fanatsarana ny fahaizamanao, amin'ny alalan'ny fampandrosoana sy ny fanohanana avy amin'ny teknôlôjia sy rafipitantanana vaovao mifanaraka amin'ny tokony ho izy.
- Omena lanja ao anatin'ny fitantanana ny TMF ny fiantraikany amin'ny mety ho fiheveran'ny mpiaraombonantoka ny aroloza, ny tontolo ara-batana, ara-piarahamonina, ary ara-toekarena.
- Ny fitantanana ny TMF dia mitohy mandritra ny
- Ny fitantanana ny TMF dia mitohy mandritra ireo dingana rehetra lalovana amin'ny fampiasana azy, izany dia manomboka amin'ny famolavolana, ny toetoetry ny toeram-pitrandrahana, ny fanorenana fotodrafitr'asa, ny fitrandrahana, ny dingana fampihatoana sy ny fanidiana ny ozinina sy ireo milina, ary ny asa mifanjohy ao anatin'ny dingana tsirairay avy.
- Ampiharina ao anatin'ny dingana rehetra fitantanana ny TMF ny fenitra mifanaraka amin'ny fomba fanao ny injeniera.
- Voafaritra mazava tsara ny anjara asa sy andraikitra ary fahefana, ary fitaovana sy mpiasa mifanaraka amin'ny tokony ho izy no apetraka eo amin'ny sehatry ny fitrandrahana sy ny fitantanana isan'ambaratongany.
- Atao hatrany amin'ny fomba fanao mahazatra sy ara-potoana ny fifehezana ny tataon-doza sy ny fanaovana tombanezaka, mifanaraka amin'ny vokatra ny tsy fahombiazana. Olona manampahaizana mahaleo tena ivelany no mamerina mijery sy manaramaso ny valin'izany.

Misy akony amin'ny tanjon'ny orinasa ny fenitra arahina ara-pitantanana. Takiana amin'izany ny fitantanana ao anatin'ny rafipitantanana manara-dalàna, izay ahazoana antoka fa ireto voatanisa manaraka ireto dia apetraka na efa napetraka tao anatin'ireo dingana tsirairay lalovana mandritra ny fampiasana ny fotodrafitrasa:

- Rafitra enti-mandrefy ny fahombiazan'ny laminasa, anisan'izany ny fanarahamaso atao matetika sy ny velaran'ny ambaratongampizahana, ny fanamarinan-kaonty sy ny fanaovana jeritodika, ary ny fepetra takiana amin'ny lafiny fahaiza-manao eo amin'ireo mpanatontosa ny asa.
- Fandinihana ataon'ny manampahaizana mahaleo tena ivelan'ny orinasa ary rafitra hentitra enti-mandrefy ny fahombiazan'ny laminasa, izay tsy voasivan'ny sosona mpamokatra sy mpanatanteraka ao anatin'ny rafitra.
- Dingam-pitantanana araka ny tokony ho izy, hanaovana asa fanitsiana sy fanovana, ampidirina ao anatin'ny singa takiana amin'ny rafipitantanana sy ny drafi-pampiasana ny fotodrafitrasa.

Ampahafantarina ny mpanana petrabola sy ny Kômity Mpanatanteraka hatrany ny zava-misy ao amin'ny TMF, ary ireto manaraka ireto no hamafisina ao anatin'izany:

- Ny TMF dia novolavolaina tao anatin'ny fahafantarana tanteraka ny vokatra ny tsy fahombiazana, ny fepetra eo amin'ny toetoetry ny toeram-pitrandrahana, ary ny fepetra fampandehana araka ny tokony ho izy;
- Ny TMF dia harafitra sy ho tantanana araka ny fetra voafaritra sy ny tondro fototra momba ny fahombiazana, ka tsindriana manokana amin'izany ny fahafaha-mifehy ny fitahirizana ireo ambin'akora sy ny fihoaran'ny tohodrano milanja ny vesatry ny ambin'akora;
- Ny TMF dia tantanana ary ho tantanana araka ny Fenitra Fitantanana ao Ambatovy;
- Mandeha araka ny drafitra napetraka tany am-pamoronana ny fanorenana, ny fitrandrahana, ny fikojakojana, ary ny fanarahamaso ny TMF;
- Araha-maso ny fampanaraham-penitra sy ny fahaiza-manao, izay tafiditra ao anatin'ny rafitra enti-mandrefy ny fahombiazan'ny laminasa anatin'ny ivelany. Fantarina, taterina, ary raisina an-tanana ny tsy fanaraham-penitra izay mety mampitombo ny tataon-doza ka tsy hanatrarana ny fikasana tany am-pamoronana;
- Namboarina, nampiharina, nohatsarina, ary nandramana ny rafitra ho an'ny paikady vonjaitra, mifototra amin'ny fahatakarana tsara ny vokatra ny tsy fahombiazana;
- Misy ny drafitra lavitra ezaka momba ny fanamboarana, fanarenana ary famerenana amin'ny laoniny ny TMF raha sanatria misy fahavakisany, izay niaraha-namolavola miaraka amin'ireo sampandraharaham-panjakana sy mpiombonantoka samihafa.
- Ho fanarahana ireo fepetra notakiana tao anatin'ny "Global Industry Standard on Tailings Management ("GISTM")" (fenitra ho an'ny indostria manerantany mifehy ny toeram-panatobiana ambin'akora), dia nohamarinin'ny manam-pahaizana manokana (olon-tokana/kômity mpandalina ivelan'ny orinasa) tsy voakasiky ny fifanarahana ireo teboka notanisaina etsy ambony ireo, ary miankina amin'ny vokatra ny fisokajiana ny fotodrafitrasa tsirairay avy ny fotoana faritana hanaovana izany.

Gustavo Gomes

Filohan'Ambatovy

Nankatoavin'ny filohan'Ambatovy tany am-boalohany tamin'ny 30 Novambra 2021